

«14» ապրիլի 2023թ.

ք. Երևան

Հայաստանի Հանրապետության պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղայանս, քննելով «Դռակոն» ՍՊ ընկերության (ՀՎՀՀ՝ 00166075) հայտարարագիրը լրացնող անձ «Բիգբրոք» ՍՊԸ (ՀՎՀՀ՝ 02277608) մաքսային ձևակերպումների մասնագետ Արտաշես Խուդոյանի (անձը հաստ փաստ՝ 008264665, հասցե՝ ք. Երևան Բագրատունյաց 1-ին նրբանցք 9/19) առնչությամբ սկսված մաքսային կանոնների խախտման վերաբերյալ գործը՝

Պ Ա Ր Զ Ե Ց Ի

31.03.2023թ-ին Երևանի մաքսային սպասարկման կենտրոն-մաքսատուն, վարչության փաստաթղթային հսկողության և գանձումների համակարգման բաժնի մաքսային տեսուչը համաձայն՝ ռիսկերի կառավարման համակարգի կողմից ձևավորված ռիսկերի նվազեցման միջոցառումների իրականացման ցուցումների, փաստաթղթային հսկողություն է իրականացրել «Դեղին ուղի» միջերեսային արտացոլում ստացած «Դռակոն» ՍՊ ընկերության անվամբ թիվ 05100010/310323/0032963 ապրանքների հայտարարագրի առնչությամբ և պարզել, որ հայտարարագրի 3-րդ հերթական համարի ապրանքների 34-րդ «Ծ.Ե.Ծ.» վանդակում ծագման երկիրը նշվել է՝ Ղազախստան (KZ), սակայն պետք է նշվեր՝ Ուզբեկստան (UZ):

Դեպքի առթիվ 31.03.2023թ-ին ՀՀ ՊԵԿ Երևանի մաքսային սպասարկման կենտրոն-մաքսատուն, վարչության փաստաթղթային հսկողության և գանձումների համակարգման բաժնի մաքսային տեսուչի կողմից մաքսային կանոնների խախտում կատարած անձ՝ «Դռակոն» ՍՊ ընկերության հայտարարագիրը լրացնող անձ «Բիգբրոք» ՍՊ ընկերության մաքսային ձևակերպումների մասնագետ Արտաշես Խուդոյանի առնչությամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային կարգավորման մասին օրենքի 316-րդ հոդվածի հատկանիշներով:

Գործի քննությանը Արտաշես Խուդոյանի մասնակցությունը ապահովելու համար ծանուցագիր է ուղարկվել իր կողմից նշված հասցեով: Արտաշես Խուդոյանը բացակայել է, միջնորդություն չի ստացվել գործի քննությունը հետաձգելու մասին:

«Դռակոն» ՍՊ ընկերության հայտարարագիրը լրացնող անձ «Բիգբրոք» ՍՊ ընկերության մաքսային ձևակերպումների մասնագետ Արտաշես Խուդոյանի կողմից թիվ 05100010/310323/0032963 ապրանքների հայտարարագրում նշված ոչ ճշգրիտ տեղեկությունների հետևանքով չի առաջանում մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում):

ՀՀ մաքսային կարգավորման մասին 301-րդ հոդվածի 1-ին մասի համաձայն մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային կարգավորման մասին 316-րդ հոդվածի 1-ին կետի համաձայն՝ ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը, որի հետևանքով չի առաջանում մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես նաև արգելքների և սահմանափակումների, ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է նախազգուշացում: Նույն հոդվածի 2-րդ կետով սահմանված է, որ հոդվածի 1-ին մասով սահմանված արարքը մեկ տարվա ընթացքում կրկին կատարելը՝ առաջացնում է տուգանք՝ տասը հազար դրամի չափով: Արտաշես Խուդոյանը մեկ տարվա ընթացքում կատարել է ՀՀ մաքսային կարգավորման մասին 316-րդ 1-ին կետով սահմանված արարք, ինչի համար 21.02.2023թ-ի N 409/1 որոշումով կիրառվել է վարչական տույժի՝ նախազգուշացում տեսակը:


Այսպիսով, Արտաշես Խուդոյանը մեկ տարվա ընթացքում կրկին կատարել է մաքսային կարգավորման մասին ՀՀ օրենքի 316-րդ հոդվածի 1-ին կետով նախատեսված մաքսային կանոնների խախտում՝ հայտարարագրում նշել է ոչ ճշգրիտ տեղեկություններ՝ ինչը նախատեսված է մաքսային կարգավորման մասին ՀՀ օրենքի 316-րդ հոդվածի 2-րդ կետով:

Ելնելով վերոգրյալից և ղեկավարվելով ՀՀ մաքսային կարգավորման մասին 334-րդ հոդվածի 1 կետի, 1) ենթակետով, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. Մաքսային կարգավորման մասին ՀՀ օրենքի 316-րդ հոդվածի 2-րդ կետով սահմանված մաքսային կանոնների խախտում կատարելու համար «ԴՌԱԿՈՆ» ՍՊ ընկերության հայտարարագիրը լրացնող անձ «Բիզբրոք» ՍՊ ընկերության մաքսային ձևակերպումների մասնագետ Արտաշես Խուդոյանի նկատմամբ նշանակել տուգանք՝ **10.000 ՀՀ դրամի չափով**:
2. Որոշման պատճենը հանձնել կամ ուղարկել Արտաշես Խուդոյանին՝ պարզաբանելով, որ ՀՀ մաքսային կարգավորման մասին 334-րդ հոդվածի 2-րդ կետով որոշումն ուժի մեջ է մտնում այն կայացնելու պահից և նույն հոդվածի 4-րդ կետի համաձայն վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով՝ մաքսային մարմնի բողոքարկման հանձնաժողով, այն ուժի մեջ մտնելու օրվանից երկու ամսվա ընթացքում կամ դատական կարգով:
3. Որոշմամբ նշանակված **տուգանքի վճարման հաշվեհամարն է 900005024055-ը** (ՀՀ պետական բյուջե, կենտրոնական գանձապետարան, Երևանի մաքսային սպասարկման կլինտրոն-մաքսատուն, վարչություն, **ԿՈԴ 27**):

ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ ԿԵՆՏՐՈՆ-
ՄԱՔՍԱՏՈՒՆ, ՎԱՐՉՈՒԹՅԱՆ ՊԵՏԻ ՏԵՂԱԿԱԼ

 ԱՂԱՍԻ ԱՂԱՅԱՆ